

邊顧陸白蓮社裏覓宗雷

官茶極妙難為賞音二首

乳花翻椀正眉開時苦渴羌衝熱來知味者誰
心已許維摩雖默話如雷

山芽路磴風回雪曾為尚書破睡未勿以姬姜

棄顛顛逢時尾釜亦鳴雷

為雙井解嘲

要及新香碾一杯不應傳寶到雲未碎身粉骨

方餘味莫厭聲喧萬壑雷

和公擇韻

風爐小鼎不須催魚眼長隨蟹眼來深注寒泉
收第一亦防枵腹爆乾雷

乳粥瓊糜露脚回色香味觸映根來睡魔有耳

不及掩直拂繩牀過疾雷

白錦秋鷹微露爪青瑤曉樹未成芽松梢鼓吹
得翻甌鼎面雲烟乳作花

楊誠齋

書如香色倦猶愛茶似苦言終有情慎勿教渠

紈袴識珠槽碎釜浪相輕

鄭安晚

一杯春露暫留客兩液清風幾欲仙可但喚回
槐國夢不妨更舉道州禪

官焙春網入貢時擔頭獵獵小黃旗甘香不數
嘗陽羨密侍天顏喜可知

徐意一

騷客醉眠腸正苦睡魔退聽骨先寒未堪八餅

供龍焙且遣一旗登虎壇 戴翼

昨日東風吹枳花酒醒春晚一甌茶如雲正護
幽人整似雪纔分野老家金餅拍成和雨露玉
塵煎出照烟霞相如病渴今全校不羨生壺白

鷓鴣

李鄴

活水還將活水烹自臨釣石汲深清大瓢酌月
歸春甕小杓分江入夜餅雪乳已翻煎處脚松
風仍作瀉時聲枯腸未易經三椀卧聽山城長
短更 東坡

仙人靈雨濕行雲洗遍香肌粉末勻明日來投

玉川子清風吹破武陵春要知玉雪心腸好不
是膏油首面新戲作小詩君莫笑從來佳茗似

佳人

東坡覺源茶

蒼瓜初驚鷹脫鞵得湯已見玉花浮睡魔何止
避三舍歡伯直教輸一籌日鑄焙香懷舊隱谷
簾試水憶西遊銀瓶銅碾俱官樣恨欠纖纖為
捧甌 張南軒

樂府祖

滿庭芳

北苑龍團江南鷹瓜萬里名動京闕碾深羅細

全芳備

且後集卷二十八

二十三

汲古閣

瓊葉暖生烟一種風流氣味如甘露不染塵凡
纖纖捧水甕瑩金縷鷓鴣斑相如方病酒銀
瓶蟹眼波怒濤翻為扶起樽前醉玉顏山飯罷
風生兩腋醒寔到明月輪邊歸來晚文君未寢
相對小窻前

山谷

阮郎歸

摘山煮不小龍團色和香味全碾聲初斷夜將
蘭烹時鶴避烟清滯思解塵凡金甌雪浪翻
只愁啜罷月流天餘清攬夜眠山谷
烹茶留客駐雕鞍有人愁遠山別郎容易見郎

難月斜窻外山歸去後憶前歡畫屏金博山

一杯春露莫留殘與郎扶玉山山谷

歌停檀板舞停鸞高陽飲與蘭獸烟噴盡玉壺

乾香分小鳳團雲浪淺露珠圓捧甌香笋寒

絳紗籠下躍金安歸時人倚欄東坡


行香子

綺席纔終歡意猶濃酒闌時高興無窮共誇君
賜初拆臣封看分香餅黃金縷密雲籠闕羸
一水功敵千鍾覺涼生兩腋清風暫留紅袖少
却紗籠笙歌散庭館靜略從容東坡

全芳梅祖

毛氏抄

全芳梅祖卷二十八終



國家圖書館, NATIONAL CENTRAL LIBRARY, TAIWAN, R.O.C.

全芳備祖卷二十九

後集

天台陳景沂編輯
建安祝穆訂正

藥部

人參

事實祖

碎錄

人參初生小者一椹兩葉爾年深者生三椹四椹各五葉根如人形者神本草

紀要

全芳備祖

且後集卷二十九

一

汲古閣

駱瓊採藥北山月夜見紫衣童子歌曰山涓涓
分樹蒙蒙明月愁今當夜空烟茂密今垂古松
遂于古松下得參一木食之而壽 異苑

雜著

紫參幽芳也五葩連萼狀飛鳥羽起故人校書
劉公詠歌之 錢起作歌序

賦詠祖

五言古詩

上黨天下眷遼東真井底玄泉傾海腴白露洒
天醴靈苗此孕毓肩股或具體移根到羅浮越

水灌清泚地殊風雨隔臭味終祖禰青極綴紫
萼圓實墮紅米窮年生意足黃土手自啟上藥
無炮炙齧齧盡根抵開心定魂魄憂恚何足洗
糜身輔軀幹既食首重稽 東坡

鎗斫土門口突元大行頂豈惟團紫雲實自俯
倒景剛風被草木真氣入苕穎舊聞人銜芝 人
參一名人銜 生此羊腸嶺纖纖虎豹鬣感縮龍

蛇癭蠶頭試小嚼龜息變方騁矧予明真子已
造浮玉境清霄月挂戶半夜珠落井灰心寧復
然汗喘久已靜東坡猶故目北藥致遺秉欲持

三楹根往徧九轉鼎為予置齒頰豈不賢酒茗
東坡紫團參寄王定國

七言古詩

遠松林下滿青苔春藥偏宜間石開往往幽人
尋水見時時仙蝶隔雲來陰陽雕刻花如鳥對
鳳棲雞一何小春風宛轉虎穴傍紫翼紅翹翻
翠光貝葉經前無住色蓮花會裏暫留香蓬山
才子憐幽性白雪陽春動新詠應知仙卉老雲
霞莫賞天桃滿蹊逕

錢起

七言八句

新羅上黨各宗枝有兩曾參果是非入手截來
花暈紫聞香已覺玉池肥舊傳飲子安心妙新
擣珠塵看雪飛珍重故人相問意為言老矣共
思歸

楊誠齋紫團參

茯苓

事實祖

碎錄

一名松昉一名松脂 本草 茯苓千歲松脂也菟
絲生其上而無根一名女蘿上有菟絲下有茯
苓神皆自作塊不附着根上有抱根而輕虛者

為茯苓本草

茯苓在菟絲之下狀如飛鳥之形

毛氏抄

似人形龜形者佳久服安形養神不饑延年
賦詠祖

七言散句

無復青粘和漆葉枉教鍾乳敵仙芽

東坡

五言古詩

委綬來名山觀奇恣所停山中若有聞言此仙
苑庭遂逢五老人一謂西域靈或聞樵人語飛
去入昴星授我出雲露蒼然凌石屏視之有文
字乃古黃庭經左右長松列動搖風露零上蟠

千年枝陰虬負青冥下結九秋霰流膏為茯苓
取之沙石間妙著龜鶴形况聞秦宮女華髮變已
青有如上帝心與我千萬齡始疑有仙骨鍊魂
可永寧何事逐豪遊飲啄以蘊腥神物亦自秘
風雷護此扃欲傳山中宮回策忽已暝乃悲世
上人求醒終不醒

李益

五言八句

寄信楊員外山寒少茯苓歸來稍暄暖當為斲
青冥翻動神仙窟封題鳥獸形兼將老藤枝扶
汝醉初醒

杜甫

七言絕句

莫道長松浪得名能教覆額兩眉青
便將徑寸同千尺知有奇功似茯苓

東坡

七言古詩

岷峨山中千歲松枝虬幹直摩青空雪霜剥落中
不槁膏液下與靈泉通龜跬伏自磊砢金堅
玉潔仍豐融篝明夜取喜得雋煮鼎朝聽如吟
風杵成作上香飛雪更和乳酪收全功當知至
味本無味予若服之壽無窮巽巖吞梁硬如鐵
冠峨切雲佩明月百好都隨春夢空大藥獨傳

鴻寶訣中宵咀嚼不搖頭玉池生肥嚙不徹憐
我百慮形蚤衰畏贈扶持何切并砂著根謾爾
傳脂澤釀黍計已拙由来妙道初不煩此法莫
從兒輩說徑思舉袂揖浮丘下視塵世真一呷
朱顏留得亦何為追逐同堅歲寒節

張功甫

謝李仁父茯苓

樂府祖

鷓鴣天

湯泛冰菟一坐春長松林下得靈根
吉祥老子親拈出箇箇教成百歲人
口燈焰焰口酒醺醺

壑源曾未破醒寃與君更把長生盃略為清歌
駐白雲 山谷荻苓陽

朮 白朮 蒼朮

事實祖

碎錄

朮山蘇也 爾雅 一名山薑一名山筋又名山薊

又名山芥又名天蘇朮有二種曰蒼曰白是也

本草

必欲長生當服山精 神農經

紀要

藥有乞力伽朮也瀕海所產有如數斤者劉涓

子取以作煎今可丸餅之長生 嵇氏 南陽文氏

其祖漢中人值亂逃華山飢困將死有二人教

以食朮遂不飢數十年乃還鄉顏色少年氣力

轉勝故朮名曰山精 抱朴子 陳子皇得餌朮要

方服之得仙入霍山去其妻念壻疲病亦效其

採竹之法服之病自愈其力氣如二十時 神異傳

雜著

切以綠葉抽條生乎首峯之側紫花標色出自

鄭巖之中六府內克百邪外禦又云味重金漿

芳踰玉液足使坐致延生伏深銘感 梁庾肩吾
謝陶隱君

啟齋木

賦詠祖

七言散句

雨范山薑病有花

東坡

五言古詩

守閑事服餌採朮東山阿東山幽且阻疲痛煩
經過戒徒斲靈根封殖缺天和違爾澗底石徹
我庭中莎土膏滋玄液松靈墜繁柯東南自成
畝繚繞紛相羅晨步佳色媚夜眠幽氣多離憂
苟可怡孰能知其他爨竹茹芳葉寧慮療與瘥

留連樹蕙辭苑婉採薇歌悟拙甘自足激清愧
同波單豹且理內高門復如何郭功父

白朮結靈根持鋤採秋月歸來濯寒澗香氣流
不歇夜火煮石泉朝烟徧巖穴千歲扶玉顏終
年固元髮梅聖俞

七言絕句

下簾深與意商量無酒何如此夜長一筋朮絲
仙有分依然只作秘書香高似孫

肉豆冠 白豆冠

事實祖

碎錄

肉豆寇其形圓小皮紫緊薄中肉辛辣本草白
豆寇形如芭蕉葉似杜若子作朶如蒲萄其子
初出微青熟則變白

賦詠祖

七言散句

瘴山江上重相見醉裏同看豆寇花李涉

娉娉裊裊十三餘豆寇梢頭二月初杜牧

日暮天寒吹屬玉蠻江豆寇重重綠張武子

五言絕句

紅豆生南國秋來發幾枝贈君多採摘此物最

相思王摩詰

樂府祖

南鄉子

停舞袖斂鮫綃採香深洞笑相邀
藤杖枝頭蘆酒滴携燕席豆寇花開趁暖日
歸路近叩舷歌採真珠處水風多
曲岸山橋山月過烟深鎖
豆寇花垂千萬朶

丁香

事實祖

碎錄

樹高丈餘凌冬不凋其子出枝葉上如釘長三四分紫色有簾大如山茱萸者謂之母丁香治口氣即御史所舍之香也 本草 江南人謂之百結花 雜志

紀要

王梅溪有十二子名以丁香為丁子索 文集

賦詠祖

五言古詩

丁香體柔弱亂結枝猶整細葉帶浮毛踈花披

香艷深栽小齋後庶近幽人占晚墮蘭麝香休

懷粉身念 杜

五言律詩散聯

雨裏含愁態枝頭綴玉英為花更雅日變亂藥

中名 王梅溪詠丁子索

五言八句

來自丁香國還應世所稀叢生盛枝葉亂結曾
中衣冷艷瓊為色低枝翠作團蔓連疑銷骨時
見玉塵飛 洪景巖

七言絕句

萬枝千葉迥相親
內結花心外結身
草木至微猶有合悲哉
父子與君臣
陶弼

甘草

事實祖

碎錄

此藥最為衆藥之主
猶香中之有沉水也

本草

反甘遂芫花大戟海藻惡
遠志解附子毒

本草

賦詠祖

五言八句

美草將為杖
孤生馬嶺危
難從何滌叟
寧入化

龍陂去與秦人採
來扶楚客衰
藥中禰國老
我

懶豈能醫

梅聖俞

辰砂

事實祖

碎錄

辰砂本出麻陽縣及開山洞
為錦州今屬沅州不屬辰也
其地產丹砂而砂井之名有九
皆在繚繚窟穴之中而錦之舊城
在焉過歲寒燎以薪竹燔火
爆石以取之時出與土人貿易
不者以辰砂為辰所出也

郡志

辰砂生深山石崖間

土人採之穴地數十尺始見其苗乃白石耳謂
之朱砂牀砂生石上其塊大者如雞子小者如
石榴顆又似雲母片可析者真辰砂也無石彌
佳過此皆淘土石中得之非生于石牀者本草
水銀出於丹砂蓋採麓次朱砂作鑪置砂于中
下承以水土覆以盎器外加火煨養則烟飛于
上水銀流于下本草

紀要

晉葛洪字稚川從祖玄吳時學道號曰葛仙翁
其鍊丹秘術悉得真法以年老欲鍊丹砂以期
遐壽聞交趾出丹砂求為勾漏令帝從之神仙傳

賦詠祖

五言散句

遠慚勾漏令不得問丹砂杜甫

七言八句

將軍結髮戰蠻溪篋有珠珍勝象犀謾說玉牀
分箭鏃何曾金鼎識刀圭近聞猛士收丹穴欲
助君王勝梟蹄多少空巖人不見自隨初日吐
虹霓東破觀張師止所蓄辰砂

鍾乳

事實祖

碎錄

鍾乳性通中輕薄如鵝翎碎之如瓜甲中無雁齒光明者為貴 本草 三乳 有 鍾有石鍾乳其山純

石以石津相滋狀如蟬翼為石乳石乳性溫有竹乳其山多生篁竹以竹津相滋乳如竹狀其性平有茅山之乳徧生茅草以茅津相滋乳性

微寒 同上

雜著

前以所致石鍾乳非良以為土之所出乃良又

况鍾乳直產于石石之精粗踈密尋尺特異則其依而產者固不一性然由其精蜜而出者食之使人榮華溫柔由其麓踈而出者食之使人偃蹇壅鬱故君子慎焉取其色之美而不必惟土之性以求其至精凡為此也 柳子厚與崔連州論石鍾乳書

五言古詩


寄語曾公子金丹幾時熟願持鍾乳粉實此懸磬腹遙憐蟹眼湯已化鵝管玉刀圭勿妄傳此物非碌碌 山谷乞鍾乳於曾公表

全芳備祖

毛氏抄

全芳備祖卷二十九終

國家圖書館, NATIONAL CENTRAL LIBRARY, TAIWAN, R.O.C.



全芳備祖卷三十 後集

天台陳景沂編輯

建安祝 穆訂正

藥部

茱萸

事實祖

碎錄

茗藪九月九日採 本草 三牲用藪 注 藪煎茱萸也 內則

紀要

汝南桓景隨長費房遊學謂之日九月九日汝南當有災厄急令家人縫囊盛茱萸繫臂登山飲菊花酒此禍可消果如其言舉家上山夕還見雞犬一時暴死長房曰此可代之今重陽是也續齊諧記郭璞自洞林避難至新息有以茱萸

萸令璞射之璞曰子如小鈴舍玄珠案文言是

茱萸本傳

賦詠祖

五言散句

綴席茱萸好杜

西楚茱萸節張說

茱萸賜朝士難得一枝來杜

菊酒攜山客萸囊繫牧童張說

七言散句

茱萸暗綻紅珠蕊元稹

明年此會知誰健更把茱萸子細看

五言絕句

朱實山下開清香寒更發幸與雙桂華窓前向

秋月皇甫冉

結實紅且綠復如花更開山中倘留客置此萸

萸盃王維

飄香亂椒桂布葉間
種樂雲日雖回照
森沉猶自寒
崔迪

樂府祖

六么令

快風收雨亭館清
殘燠池光靜
橫秋影岸柳如新
沐聞道宜城酒美
新醅熟輕鑣相逐
衝泥策馬來折東籬
半開菊口花艷華堂
對列一一驚
即目歌韻巧共泉聲
間雜淙哀玉惆悵周
郎易老莫唱當時曲
幽歡難卜明年誰健
更把菜羹再三囑
周美成

皂莢

事實祖

碎錄

有三種如猪牙者良
本草

賦詠祖

七言絕句

畿縣塵埃不可論
故山喬木尚能存
不緣去垢須青莢
自愛蒼鱗百歲根
張文潛

仙靈毗

賦詠祖

五言古詩

窮陋厥自養癘氣劇器煩隆冬豆霜霰日夕南
風溫枝藜下庭際曳踵不及門門有野田吏慰
我飄零竟及言有靈藥近在湘西源服之不盈
旬蹙躄皆騰騫笑拊前即吏為我擢其根蔚蔚
遂充庭笑翹忽已繁晨起自採暴杵臼通夜喧
靈和理內藏攻疾貴自源擁覆逃積露伸舒委
餘暄奇功苟可徵寧復資蘭蓀我聞畸人術一
氣中夜存能令深深息呼吸還歸根踈放固難
效且以藥旨論痿者不忘起瘖者復能言神哉

輔吾足幸及兒女奔

柳子厚

茱萸

事實祖

碎錄

茱萸馬舄也即車前草

本草

一名當道蝦蟆衣

賦詠祖

七言絕句

開州五月車前子作藥人皆道有神慙愧使君
憐病眼三千餘里寄閑人

張藉

菝葜八反 萸葉八反

事實祖

碎錄

苗莖成蔓採其根田舍貧家亦取以釀酒 本草

賦詠祖

五言古詩

江鄉有奇蔬本草寄菝萸驅風利頑痺解疫補
體節春深土膏肥紫笋迸土裂烹之芼薑橘盡
取無可掇應同玉井蓮已過苗頭茁異時中州
去買子攜根撥免令食蔬人區區美薇蕨 張文潛

白頭翁

事實祖

碎錄

葉似芍藥花紫色似木槿白毛披下似燾正似

白頭翁故名 本草

賦詠祖

五言八句

雜入田家去行歌荒野中如何青草裏亦有白
頭翁 折取對鏡宛將衰鬢同微芳似相諷流
恨向東風

白蘘荷

事實祖

碎錄

人家種此以辟蛇春初生葉似甘舊根似薑而肥其根莖堪為殖赤者為上 陶隱居

五言古詩

血蟲化為厲夷俗多所神御精每腊毒謀富不謀仁蔬果自遠至盃酒盈肆陳言甘心必苦何用知其真華潔自外飾必病中州人錢刀恐賈害饑至益逡巡竄伏常戰慄懷故愈悲辛庶民有嘉草功會事久泯炎帝秉靈編言此殊足珍

崎嶇乃有得託以全餘身紛敷碧樹蔭聆昧心所親 柳子厚

益智

事實祖

碎錄

益智葉如蘘荷莖如竹箭子叢生大如棗中辨粽味辛 廣州

紀要

魏建安八年交州刺史張津嘗以益智子粽餉武帝 晉稽含記 盧循為廣州刺史遺劉裕益智

粽裕答以續命湯 世說

賦詠祖

五言古詩散聯

挺芳銅嶺上擢穎石門端連叢至本葉雜和委
雕盤 梁劉孝勝

覆盆子

事實祖

碎錄

覆盆子即蓬蘽之實也蓬蘽乃根或苗之類益
腎藏縮小便服後當覆其溺器以此得名

賦詠祖

五言古詩

靈根茂永夏幽磴羅深叢晶華發鮮澤葉實分
青紅揆尋紀晨露採摘勤村童藉以烟筍籜貯
之霜筠籠

誰知此俗俚却老有奇功咀殮腦髓聚烹吸形

神充 並王右丞

杜若

事實祖

碎錄

葉似山薑花赤色根似高良薑一名杜蘅本草
實為紅豆根則為高良薑爾雅

雜著

采芳洲兮杜若將以遺兮下女雜杜蘅與芳芷

山中人兮芳杜若楚辭

賦詠祖

五言散句

崖蜜助甘冷山薑發草辛東坡

宿雨桃花水春風杜若汀吳昭武

七言散句

林深野桂寒無子雨浥山薑病有花東坡

五言古詩

生在窮絕地豈無迹相親不願逢採擷本欲芳
幽人沈約

五言八句

採擷黃薑蕊封題青鎖闥共聞調膳日正是退
朝歸香為華筵發清隨採翰飛故將天下寶萬
里與光輝劉禹錫山薑

七言古詩

欽州五月土如炊滿山杜若芳菲菲素英綠葉

紛可喜勁烈不避炎歎威採之盈掬薦蔬食臧
獲失笑庖人譏君不見屈平夕殮賦秋菊蒐兮
無南蓋來歸又不見坡公服食得臬耳扣角自
歎從前非伊予假祿二千石窮比二子猶庶幾
食花嚼菜有真樂一飽何必謀甘肥尚餘升合
漬生蜜從他薏苡生珠璣

劉圻父

蘼蕪

事實祖

碎錄

芎藭葉也苗似芹與胡荽及蛇床等

本草

雜著

秋蘭兮蘼蕪羅生兮堂下

楚辭

賦詠祖

五言散句

上山採蘼蕪下山逢故夫

古詩

蘼蕪敷綠葉系出蛾眉陰

朱待制

時遇湯餅客共破粵侯深

同上

七言散句

蘼蕪自是王孫草莫送春香入容衣

孟遲

飽食不嫌溪筍瘦穿林閑覓野芎藭苗

東坡

五言古詩

葉 秋聲中霏霏蚤英菽介特有如松繁華匪
慙菊勃蔚襲軒埤薰沾滿衣服情人擢纖指拾
藥動盈掬蘼蕪見離騷芬藿入譜錄 蘇雙溪

五言古詩散聯

蘼蕪有香葉采采乘清旦山頭去婦思堂下騷人
怨使君亦何為烹茶奉間燕 曾文昭自注宜人

七言絕句

蘼蕪嘉種列群芳禦濕前推藥品良時摘嫩苗
烹賜茗更從雲脚發清香 韓忠獻

全芳備祖卷三十終

全芳備祖卷三十一

後集

天台陳景沂編輯
建安祝 穆訂正

藥部

兔絲子

事實祖

碎錄

女蘿兔絲也 爾雅 葛與女蘿施于松柏 詩 兔絲

蔓草上生今兔絲子是也在木曰松蘿 機疏

賦詠祖

五言散句

兔絲附女蘿 古詩

兔絲附蓬麻引蔓故不長 杜甫

五言古詩

人生莫依倚依倚事不成君看兔絲蔓依倚與
荆榛荆榛易蒙密百鳥撩亂鳴下有狐兔穴奔
走亦縱橫樵童斫將去柔蔓與之并翳蒼生可
恥來縛死無名桂樹月中出珊瑚石上生俊鶻
度海食應龍汁天行靈物本特達不敢相纏縈
相纏竟何者荆榛與飛莖 元稹

五言古詩散聯

輕絲既難理細縷竟無織爛熳已萬條連綿復
一色安根不可知縈心終不測 謝朓

地黃

事實祖

碎錄

有乾生二種久服經身不老一名地髓一名芩
一名芑 本草

賦詠祖

五言古詩

麥死春不雨永頭秋早傷歲宴無口食田中採
地黃採之將何用持以易 糧凌晨荷鍤去薄
暮不盈箱攜來朱門家賣與白面郎與君啖肥
馬可使照地光願易馬殘粟救此苦饑腸白藥天
地黃飼老馬使之光鑒人吾聞樂天語喻馬施
之身我衰正伏櫪垂耳氣不振移栽附沃壤蕃
茂爭香新沉水得穉根重陽養陳薪洗以東河
清和以北海醇崖密助甘冷薑發芳辛融為寒
食錫燕作瑞露珍丹田自留火渴肺還生津願
餉內熟子一洗胃中塵東坡

椒

事實祖

碎錄

檄大椒也爾雅 蜀椒出武都秦椒出天水隴西
胡椒生西戎亦出南海向陰生者名澄茄向陽
生者名胡椒本草 椒聊之實蕃衍盈升詩有椒
其馨同

紀要

漢椒房殿名皇后所居以椒和壁取其溫而香
也顏師古注 桓帝竇皇后崩中常侍曹節王甫

欲以貴人禮葬太尉李固壽椒自隨謂妻子曰
若太后不得配桓帝吾不生還矣 漢書 晉石崇
以奢相尚室宇宏麗至以椒塗其壁 本傳 鍾繇
黜其妻文帝命復馬繇恚忿食椒帝乃止 魏氏春秋
吳真君服椒法并歌曰其椒應五行其仁通五
義服之半年內脚心汗如水 坡詩注 元載為相
朝廷籍其家胡至八百斛他物稱是 本傳
正月旦日進酒降神訖室家無大小以次坐祖
先之前各上椒酒于家長曰椒觴 四民月令
雜著

奠桂酒兮椒漿 楚辭

賦詠祖

五言散句

椒花逐頌來 庾信

紅椒艷復殊

椒實雨新紅

椒盤已頌花 杜

七言散句

汗流下水上駭始信吳

東坡全篇見芎門

芎

事實祖

碎錄

芎藭以蜀川者為勝其苗似芹而倍香或蒔於園庭則芬馨滿徑人採其葉作飲香云惟實形塊重實作雀腦狀者此最力也 本草

賦詠祖

五言八句

芎藭生蜀道白芷來南江漂流到關輔猶不失
芳芳甘濯濯翠莖滿悒悒清露涵及其未花實
可以資筐篋秋節忽已老苦寒非所堪斲根取
其實對此微物慙 東坡志云可以為菜

七言八句

燥吻時時著酒濡要令卧病致文殊河魚潰腹
空號楚汗水流駁始信吳自笑方求三歲艾不
如長作獨眠夫羨君清瘦真仙骨更助飄飄鶴
背驅 東坡次韻公濟謝芎藭

檳榔

事實祖

碎錄

樹高五七丈正直無枝皮似青銅節如桂竹葉
生木顛大如楯頭其實作房從葉中出傍有若
棘針重疊其下一方類百實如雞子狀皆有皮

殼肉滿殼中味苦澁得扶留藤與瓦屋子灰同
咀嚼之則柔滑而甘美其俗云南方地温不食
此無以祛之蓋瘴癘也其大腹子與檳榔相似
檳榔難得真者今貨者多大腹子也生南海今
嶺外諸郡皆有之 本草 拷藤可以食檳榔蓋蒟
醬也 坡詩注 南中風俗男聘女必以檳榔盤為
禮賓客會見必先進檳榔若不設用相嫌恨 郡志
紀要

劉穆之少貧往妻兄江氏乞食畢求檳榔江氏
戲曰檳榔消食君常饑何須此穆之為丹陽令

乃令厨人以金拌貯一斛與其妻兄弟 南史
雜著

無勞朱實嫌荔枝之五滋能發紅顏類芙蓉之

十酒 梁庾肩吾啟

賦詠祖

五言散句

檳榔共聘幣 鄭松窓

綠房千子熟紫穗百花開 周庾信

七言散句

梭欄葉子海棠花 楊誠齋

不用長愁掛月村檳榔生子竹生孫

東坡

五言古詩散聯

羞子朱櫻就詎易紫梨津莫言蒂中熟當看心裏新微芳雖不足舍咀願相親

梁劉孝綽

五言八句

憶昔南遊日初嘗面發紅藥囊知有用茗盃詎能同蠲疾收殊效修真錄異功三彭如不避麋爛七非中

見柳子原馬尸虫文

七言絕句

蠻烟雨裏紅千樹逐水排口肘後方莫笑忍饑

窮縣令煩君一斛寄檳榔

山谷

人人藤葉嚼檳榔戶戶茅簷覆土牀只有春風不寒乞隔牆吹渡抽花香

七言八句

海角人烟百萬家蠻風未變事堪嗟果堆羊
烏青欖菜釘丁香紫白茄楊棗實酸薄衲手山
茶無菜木綿花一般氣味真難學日啖檳榔當
啜茶

鄭松窓薄衲如棗而酸

扶留

賦詠祖

五言絕句

根節含露辛苕穎援援綠蜜中靈草多夏永清
陰足 宋文公

薏苡

事實祖

碎錄

春生苗莖高三四尺葉如黍開紅白花作穗子五
六月結實形如珠子而稍長故名薏珠子小兒
多以線穿如貫珠戲細舂為飯或者粥亦好今
人多取葉為飲香 本草

紀要

馬援在交趾嘗餌薏苡以勝瘴氣軍還載之一
車時人以為南土珍貴權貴皆疑之援方有寵
故莫以聞及卒有上書譖之者以謂前所載還
乃明珠文犀爾上益怒 後漢書
賦詠祖

七言散句

胡椒尚殺元相國薏苡猶疑馬伏波 徐竹隱

五言古詩

伏波飯薏苡禦瘴傳神良能除五溪毒不救讒

言傷讒言風雨過瘴癘久亦亡兩俱不足治但
愛草木長草木各有宜珍產駢南荒絳囊懸荔
支雪粉剖桄榔不謂蓬荻姿中有藥與糧春為
茱萸圓炊作菰米香子美拾橡栗黃精誑空腸
今吾獨何者玉粒照座光 東坡

五言古詩散聯

佳實散南州流傳邵山瘴如何馬伏波坐取丘
山謗 司馬溫公

七言古詩

初游唐安飯蕙米炊成不減雕胡美大如芡實

白如玉骨欲流匙香滿屋腹腴項鬢不入盤况
復飡酪誇甘酸東歸思之未易得每以問人人
不識嗚呼奇才從古棄草管君試求之籬落間

陸放翁

七言古詩散聯

葉如華黍實如珠移種宮庭特葱蒨但蠲病渴
付相如勿恤諛言歸馬援 梅聖俞

黃精

事實祖

碎錄

一名兔竹一名救窮服花勝實服實勝根抱朴子

紀要

陸通字接輿與妻俱隱峨眉諸名山食菌樵實服黃精子俗傳以為仙高士傳

賦詠祖

五言散句

三春濕黃精一食先毛羽杜甫

七言散句

掃除白髮黃精在杜詩人空腹待黃精東坡

雪底黃精興不踈荆公

五言古詩

靈苗出西山服食採其根九蒸換凡骨經著上世言候火起中夜馨香滿南軒齋居感眾靈藥行起妙門自懷物外心豈與俗士論終期脫印綬永與天壤存韋應物

七言古詩

長鑱長鑱白木柄我生託子以為命黃獨無苗山雪盛短衣數挽不掩脛此時與子俱歸來男呻女吟四壁靜嗚呼四歌兮歌四奏林猿為我

啼清畫杜甫

五言絕句

太華西南第幾峯
落花流水自重重
幽人只採黃精去
不見青山養鹿茸

金櫻子

事實祖

碎錄

金櫻子今叢生于籬落間類薔薇有刺霜後方紅熟味甘少澁止多便飲精氣今野人盛摘搗汁熬成糖本草

賦詠祖

五言古詩

人生欲長存日月不肯遲
百歲風吹過忽成廿
蔗口傳聞上世士烹餌
草本滋千秋垂綠髮每
恨不同時李侯方好術
肘後探神奇金櫻出黃
墳刺索攬霜枝寒窓司
火候古鼎凍膠飴初嘗
不可口醇酒和味宜至
今身七十孺子色不衰
田中按耒耜孫息親抱
持却笑鄰舍翁未老須
枝藜山谷和公善金櫻餌

假守富春公秋毫聽民詞
風夜臨公廳歸卧酸

體肢李侯來饋藥期以十日知深中護露根全
鑱秘玉符不須許斧子辛勤采五芝我方困健
訟搗翁爭一錐不能鳴絃坐頗愧巫馬期敢乞
刀圭餘歸和卯飲卮倘今憂民病從此得國醫

七言絕句

三月花如簷蔔香霜中採實似金黃煎成風味
亦不淺潤色猶煩顧長康 姚西巖

麥門冬

事實祖

碎錄

葉似莎草長及尺餘四季不凋根作連珠形似

擴麥顆

本草

取苗作水飲

本草

天門冬春生藤

蔓大釵股高至丈餘葉似苗香秋結黑子在其

根一名釁

本草

賦詠祖

五言古詩

佳人種碧草所愛凌風霜佳人昔已歿草色猶
蒼蒼思人不忍棄期植寒種傍

五言絕句

高蘿引蔓長挿援垂碧絲西窓夜來雨無人頷

幽姿

朱文公天門冬

七言絕句

一梳清風值萬錢無人肯買北窓眠
開心暖胃門冬飲知是東坡手自煎

東坡送門冬飲與朱元章

紫蘇

事實祖

碎錄

有水蘇紫蘇假蘇三種水蘇又名雞蘇
本草下紫蘇而氣甚香其不紫無香者為野蘇不堪
用其子主下氣與橘皮相宜 本草

賦詠祖

五言古詩

歲暮有秋望帶經且親鋤今茲五月交盛陽
稍已徂養生寄空瓢雖乏未可虛正以營一飲形骸如此叻
劉原父詩不切

胡麻

事實祖

碎錄

狗蟲巨勝也藤茲胡麻也隱居陶氏云莖者名
巨勝胡名胡麻類麻胡名曰胡麻又八穀中最

為太勝胡名曰巨勝生上黨川澤青叢巨勝苗
也處處有之皆園圃所種苗梗如麻而葉圓銳
光澤嫩時可作蔬道家多食之 廣雅

○紀要

劉晨阮肇入天台採藥失道食盡見桃實食之
覺身輕行數里至溪澗持杯取水見一杯流出
有胡麻飯溪邊二女子笑曰劉阮二郎捉向所
失流杯來便迎歸作食既出無復相識至家子
孫已七世矣 天台志

賦詠祖

五言古詩散聯

勉力向藥物曲畦聊自蒔胡麻養氣血種以督
兒曹 梅聖俞

余以考錫十日之校勛一過頗多是正時賦役倥傯
愁悶填胸當研朱筆特大似弈秋詩弄一心以為
鴻鵠之將互搏已為之一笑康熙五年四月二
十日常熟陸貽典識

全芳備祖

毛氏抄

全芳備祖卷三十一



國家圖書館, NATIONAL CENTRAL LIBRARY, TAIWAN, R.O.C.